



www.BibleForChildren.org




यूहन्ना 14



“कहेमैँए सैं खैता-खैता आइहाँन्। कहेमैँइ परमेश्वरए फिर
बिश्वास लमुँ, छलेन इए फिरै या बिश्वास लद। इए आबाए
धिंर टिबै कल्हयोमैँ ल्हें मुँ। इ कहेमैँए ल्हागिर टिबै कल्हयो
तयार लबर ह्यासिन् मुँ।”



“छ आडिऱ्याँ डइ कहेमैने चु ताँ आबिमल। ड ह्यासि कहेमैए
ल्हागिर कल्हयो तयार लल् खाँबै लिउँडँ ड धबै युब्मुँ, धै कहेमै
ड डारँ बोयाब्मुँ। झाइले ड टिबै कल्हयोर कहेमै या टिल्
याँब्मुँ।”



ड कहेमैँए आघें यूहन्ना ग। येशूए फिर बिश्वास लबइले
कहेमैँइ धौलेन् डज्यैया खैबन् दुःख तलैया डइ
सैदिइमुँ। येशू ख्रीष्टए बारेर ग्वाइ पिँदै


परमेश्वरए ताँ बिप्रबै




लमा म्हिमैँइ डलाइ
मा इयुँइर मुँबै पत्मोस
बिबै कौर च्युथैँल।




च तोंदोंन पबित्र प्ल्हजी डः प्लिंयाइ, धै स्वर्गर
राजगद्धि घि मुँल, चर परमेश्वर व्हुरिल।




छलेन स्वर्गर, पृथ्वीर, क्रॉर, मा ड्युँडर, खन्तोंदोंन् मुँबै सो
पह्याबै सैमैँड “राजगद्विर कहुँबै परमेश्वर नेरो क्यु च्हजलाइ
धन्यबाद, थेबै मान नेरो भौँ खोंयोंन्
बिलै तरिगे।” बिसि क्वे प्रिंब डइ थेइ।




दिलेया छारा यरूशलेम, “परमेश्वरए पबित्र सहर” प्हेंरोए
ल्हागिर प्हेंस्यो पैरेब् धौले पैरिसि स्वर्गउँइले युरिब डइ म्माँइ।
धै राजगद्धिउँइले थेबै कैले छ बिब डइ थेइ, “तारे परमेश्वर
म्हिमेंने टिब्मुँ, झाइले चमें खीए म्हिमें तब्मुँ। परमेश्वर खीन्
चमेंने तब्मुँ, धै खी चमेंए परमेश्वर तब्मुँ।”



च लिउँइँ च स्वर्गदूतइ खोंयोंइ आखाँबै छह पिंबै क्यु मुँबै
स्यों डलाइ उँइँइ। च स्यों बेल्ले टल्कदिबै तुथु धौले वाँ-वाँ
ब्योंब मुँल। च स्यों परमेश्वर नेरो क्यु च्हजए राजगद्धिउँइँले
त्हाँसि, सहरए म्हाँजोर्बै घ्याँ तसि स्यों प्ररिल। च स्योंए रेर
छह पिंबै सिं धुँ मुँल। च धुँर सालर्बै च्युसे डिहं म्हैनन् च्युसे
डिहं खालर्बै रोमै रोमल। च सिंधुँए प्हो हँ-हँमैलाइ सल् लबै
ल्हागिर मुँल।



च सहरर मि म्रौबै ल्हागिर त्हिंयाँ नेरो लयाँ आचैदि,
तलेबिस्याँ परमेश्वरए हवे चए फिर चारमुँ, च सहरबै बत्ति
क्यु च्हजन् ग।




दिलेया खोंयोड आखाँबै
छह योंबमेंए मिं प्हिबै
क्यु च्हजने मुँबै कितबर
मिं मुँबमें मत्रे च सहरर
हॉल् योंबमुँ। चर आछयाँबै
सैं प्हयाबमें, छेरन् इहाँबै
के लबमें नेरो स्योर ताँ
पोंबमें खाबड या हॉल्
योंरिब् आरे।




“खीजी चमैँए मिग्लि योगुर्ले फ्योमिंळ्मुँ। च त्हेसेरो खाबै
आसि, शोक आत, क्रोब-म्होब नेरो दुःख कष्ट खोंयोँइ या
आत। ओँसोंबै ताँन् सैमैँ म्हयाल् खाँइमुँ।”




तारे पिरु चर खोंयोंइ सराप तरिब आरे। परमेश्वर नेरो क्यु
चहज कहँबै राजगद्दि च सहर न्होंर तब्मुँ। झाइले खीए के
लब्मेँइ खीए मिं क्वेसि खीलाइ फयोब्मुँ। चमेँइ परमेश्वरए लि
म्रोंब्मुँ, धै चमेँए इहोर
खीए मिं तब्मुँ।



सियाबमें, थेब, च्योब तान् राजगदिए उँइर रारिब डइ म्रोंइ।
परमेश्वरजी कितबमें फैथेंल। सियाबमेंइ सोगों मुँमा तो तो के
लल, च केमें तान् च कितबर प्हिल्लेंल। धै चमेंइ लबै के
इह्योसि परमेश्वरजी निसाफ लमल। (अको कितब घि या
खीजी फैइ। च कितबर खोंयोँइ आखाँबै छह
योँबै म्हिमेंए मिं प्हिल्ल।) खोंयोँइ आखाँबै
छह योँबमेंए मिं प्हिल्लबै कितबर मिं
आरेबै म्हिमेंलाइ
परमेश्वरजी च मि
मुँबै होंल्दोर भ्योँवाइ।



पबित्र प्लह नेरो प्हेंस्योइ खीने बिइमुँ, “यु”। चु ताँ थेबै
म्हिमेंज्यै या छलेन खीने “यु” बिल् त्हुम्। क्यु पिळ्मै क्यु
मूलर खरिगे। छह पिंबै क्यु थुँदा इहाँळ्मैइ छलेन् थुँरिगे।



तलेबिस्याँ खीए च्हए फिर बिश्वास
लब्में खाबै या नास आतरिगे, बरु
खोंयोंइ आनुबै छह योंरिगे बिसि
परमेश्वरजी ह्युलबै म्हिमेंने ल्हें
म्हाँया लसि खीए घि दे
मुँबै च्ह पिंइ।



रोमी 3:23

तलेबिस्याँ तान् म्हिइ पाप लइमुँ, छतसि
खी डारं फेनेल् आखाँइमुँ।

रोमी 6:23

तलेबिस्याँ पाप लबमैंइ योंबै नाँ सिब ग! दिलेया
परमेश्वरजी छलेन पिंबै दान इयोए प्रभु येशू ख्रीष्टउँइले
खोंयोँइ आखाँबै छह योंब् ग।

हिब्रू 9:27

तान् म्हिमें तिब्ले सिल् त्हुम्, धै सिबै लिउँइ
परमेश्वरजी लबै इन्साफर राल् त्हुम्।



एफिसी 2:8,9

छतसि परमेश्वरए दयाम्हाँयाइ लमन् कहेमैँए बिश्वासउँइले
कहेमैँइ मुक्ति योंइमुँ। कहेमैँइ छयाँबै केमैँ लसि चु मुक्ति योंब
आडिं, चुम् परमेश्वरजी छलेन पिंब् ग। छयाँबै केमैँ लसि
म्हिमैँइ मुक्ति योंल् आखाँ। छतसि छयाँबै के लइ
बिसि खाबै या थेब् प्हेँल् आत्हु।

रोमी 10:9,10

तलेबिस्याँ किहइ होंसए सुँइ “येशून् डए प्रभु ग” बिसि अरूलाइ
साक्षि पिंम बिस्याँ, झाइले “परमेश्वरजी येशूलाइ सिबइले धबै
सोगों लमिँइ” बिसि सैँर बिश्वास लम् बिस्याँ किहइ मुक्ति
योंल्मुँ। तलेबिस्याँ इयोए सैँइ बिश्वास लसिन् इयो परमेश्वरए
उँइँर ठिक ठदिम, झाइले इयोए बिश्वास लबै ताँ
अरूलाज्यै या बिमिँस्याँ इयोइ मुक्ति योंमुँ।



यूहन्ना 3:16,17

तलेबिस्व्याँ खीए च्हए फिर बिश्वास लब्में खाबै या नास आतरिगे,
बरु खोंयोँइ आनुबै छह योंरिगे बिसि परमेश्वरजी ह्युलबैँ म्हिमेंने
ल्हें म्हाँया लसि खीए घि दे मुँबै च्ह पिंइ। तलेबिस्व्याँ ह्युलबैँ
म्हिमें दोषि ठदिबर परमेश्वरजी ह्वाँसए च्हलाइ कुलब आडिं,
दिलेया चमैलाइ जोगेबर कुल्मिंइ।

१ यूहन्ना 5:11-13

परमेश्वरजी पिंबै ग्वाइ चुन् गः खीजी इयोलाइ खोंयोँइ आखाँबै
छह पिंइमुँ, धै च छह खीए च्हउँइले इयोइ योंम्। खाब्ने परमेश्वरए
च्ह टिमुँ, चइ च छह योंइमुँ, दिलेया खाब्ने परमेश्वरए च्ह आटि,
चइ खोंयोँइ आखाँबै छह आयों। ओ, परमेश्वरए च्हए फिर बिश्वास
लब्में! क्हेमैँइ खोंयोँइ आखाँबै छह योंइमुँ बिसि पक्का था सेरिगे
बिसि इइ चु प्हिछया क्हेमैँलाइ प्हिब् ग।



यूहन्ना 14; 2 कोरिन्थी 5; दर्शन 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Gorong Central Bible (gvr) © 2020, Wycliffe Bible
Translators, Inc. All rights reserved.

<https://live.bible.is/bible/GVRWBT/MAT/1>

©2024 Bible for Children, Inc.

www.M1914.org

www.bibleforchildren.org

